

ქ. თბილისი

07 დეკემბერი 2018 წ.

ერთიმხრივ,

შპს „საქართველოს აეროპორტების გაერთიანება“ (თბილისი, სამგორის რაიონში, აეროპორტის დასახლება (აეროპორტი) ს.კ №404 389 693) წარმოდგენილი მისი დირექტორის მოვალეობის შემსრულებლის ივანე ლეკიშვილის სახით (შემდგომში „შემსყიდველი“)

და მეორე მხრივ,

შპს „პრინტარეა“ (მისამართი: საქართველო, თბილისი, დ.უზნაძის ქ. №4, სკ № 404 384 395) წარმოდგენილი მისი დირექტორის თინათინ სანაძის სახით (შემდგომში „მიმწოდებელი“)

საქართველოს კანონის „სახელმწიფო შესყიდვების შესახებ“, მე-3 მუხლის პირველი პუნქტის „ს“ ქვეპუნქტის თანახმად, ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს შპს „საქართველოს აეროპორტების გაერთიანების“ კუთვნილი საინფორმაციო და სარეკლამო პროდუქციის, კერძოდ, საინფორმაციო სტელას საჭიროებისათვის სახელიანი ფირფიტების შესყიდვა თანმდევი მონტაჟით (CPV-44423450).

2. ხელშეკრულების ფასი

2.1. ხელშეკრულების საერთო ღირებულება შეადგენს 340.00 (სამას ორმოცი) ლარს.

2.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი (მათ შორის დღგ), რომელიც უნდა გადაიხადოს „მიმწოდებელმა“.

3. ხელშეკრულების განხორციელების ვადები და პირობები

3.1. შესყიდვის ობიექტის მიწოდება თანმდევი მონტაჟით უნდა განხორციელდეს ხელშეკრულების გაფორმებიდან არაუგვიანეს 3 (სამი) სამუშაო დღის ვადაში.

3.2. მიწოდების ადგილი: ქ. თბილისი, აეროპორტი (აეროპორტის დასახლება) შემსყიდველის მიერ მითითებული ადგილი.

4. შესყიდვის ობიექტის მიღება-ჩაბარების წესი

4.1. შესყიდვის ობიექტის მიღება ფორმდება „მიღება-ჩაბარების“ აქტით. რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას.

5. ანგარიშსწორების პირობები

5.1. „მიმწოდებელთან“ ანგარიშსწორება ხორციელდება უნაღდო ანგარიშსწორების ფორმით. წინამდებარე ხელშეკრულების მე-4 მუხლის 4.1. პუნქტში განსაზღვრული პირობის დასრულების შემდეგ 10 (ათი) სამუშაო დღის ვადაში.

5.2. „მიღება-ჩაბარების“ აქტისა და საგადასახადო ანგარიშ-ფაქტურის წარმოდგენის გარეშე არ მოხდება თანხის გადახდა.

6. მხარეთა ვალდებულებები

6.1. „მიმწოდებელი“ ვალდებულია:

6.1.1. კეთილსინდისიერად შეასრულოს ნაკისრი ვალდებულება;

6.1.2. მონტაჟი განახორციელოს შემსყიდველთან წინასწარ შეთანხმებული და მის მიერ დადასტურებული ვიზუალის მიხედვით;

6.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.1.4. დაიცვას ხელშეკრულებით გათვალისწინებული ყველა პირობა.

6.2. „შემსყიდველი“ ვალდებულია:

6.2.1. უზრუნველყოს „მიმწოდებლისათვის“ მიწოდებული საქონლის ღირებულების ანაზღაურება წინამდებარე ხელშეკრულების მე-4 მუხლის 4.1 პუნქტით გათვალისწინებული დოკუმენტების წარმოდგენიდან 10 (ათი) სამუშაო დღის განმავლობაში.

6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.2.3. დაიცვას ხელშეკრულებით გათვალისწინებული ყველა პირობა.

7. მხარეთა უფლებები

7.1. "მიმწოდებელს" უფლება აქვს:

7.1.1. ხელშეკრულების ფარგლებში მოითხოვოს მიწოდებული მომსახურების ღირებულების დროული და სრული ანაზღაურება.

7.2. „შემსყიდველს“ უფლება აქვს:

7.2.1. აწარმოოს ხელშეკრულების პირობების შესრულების მონიტორინგი.

7.2.2. არ მიიღოს უხარისხო შესრულება.

8. ხელშეკრულების პირობების და ფასების გადასინჯვა

8.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

8.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

9. ფორს-მაჟორი

9.1. მხარეები თავისუფლდებიან ვალდებულების დარღვევით გამოწვეული პასუხისმგებლობისაგან, თუ ასეთი დარღვევა გამოწვეულია ისეთი დაუძლეველი ძალის ზემოქმედებით (ფორს-მაჟორული გარემოება), რომლის წინაწარ გათვალისწინება ან/და გონივრული მეთოდებით გადალახვა შეუძლებელია. ასეთი გარემოებებია (და არამხოლოდ) მიწისძვრა, ხანძარი, ქარიშხალი, დიდთოვლობა, წყალდიდობა, ეპიდემია, სამხედრო მოქმედებები, მესამე პირების გაფიცვები, სახელმწიფოს ცენტრალური ან ადგილობრივი ორგანოების გადაწყვეტილება ან გადაწყვეტილების არარსებობა, კანონმდებლობაში შესული ცვლილებები და მისთანანი.

9.2. ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოსა თუ დაწესებულების მიერ ოფიციალურად.

9.3. მხარე ვალდებულია, პირველივე შესაძლებლობისთანავე შეატყობინოს მეორე მხარეს ფორს-მაჟორული გარემოების დადგომის შესახებ. წინააღმდეგ შემთხვევაში, მას უფლება ერთმევა, ვალდებულების შეუსრულებლობა გაამართლოს ფორს-მაჟორზე მითითებით.

9.4. მხარეებს ასევე შეუძლიათ, ფორს-მაჟორის დადგომის შემთხვევაში, ამ მუხლით გათვალისწინებული პირობების დადგომის გარეშეც ურთიერთშეთანხმებით შეწყვიტონ, შეაჩერონ ან შეცვალონ ეს ხელშეკრულება.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუზიარონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

11. გარანტია

11.1. საგარანტიო ვადა შეადგენს შესყიდვის ობიექტის მიღებიდან 6 (ექვსი) თვე;

11.2. „მიმწოდებლის“ მიერ საქონელი მოწოდებული უნდა იქნეს იმ გარანტიით, რომ შესყიდვის ობიექტი საგარანტიო ვადის პერიოდში, სწორი მოხმარების პირობებში არ გახდება უვარგისი ექსპლუატაციისათვის და შეინარჩუნებს კარგ საექსპლუატაციო თვისებებს. შესყიდვის ობიექტს არ უნდა გააჩნდეს ნივთობრივი ნაკლი.

11.3. მიწოდებული შესყიდვის ობიექტის საგარანტიო ვადის მოქმედების პერიოდში ხარვეზის, არაშემსყიდველის ბრალეულობით დაზიანების და დეფექტის მქონე საქონლის, მათ შორის საექსპლუატაციო თვისებების ვადაზე ადრე გაუარესების დაფიქსირების შემთხვევაში, შემსყიდველი უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან საქონლის შეცვლა ახლით. აღნიშნულის შესახებ „შემსყიდველი“ ატყობინებს „მიმწოდებელს“ წერილობით ან/და კომუნიკაციის ელექტრონული საშუალებებით (ელექტრონული ფოსტის მეშვეობით). შეტყობინების გაგზავნის მომდევნო დღიდან აითვლება წუნდებული საქონლის ხარვეზის გამოსწორების ან შეცვლის შემსყიდველთან შეთანხმებული გონივრული ვადა.

12. ხელშეკრულების პირობების შეუსრულებლობა

12.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არა ჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების ღირებულების 0,1%-ის ოდენობით ყოველი ვადაგადაცილებული დღისათვის.

12.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13. ხელშეკრულების შეწყვეტა

ხელშეკრულება შეიძლება შეწყვეტილ იქნეს:

13.1. ურთიერთვალდებულებების შესრულებით;

13.2. მხარეთა შეთანხმებით;

13.3. საქართველოს მოქმედი კანონმდებლობით გათვალისწინებულ სხვა შემთხვევებში.

14. ინსპექტირების პირობები

14.1. ხელშეკრულების შესრულების კონტროლს განახორციელებენ შპს „საქართველოს აეროპორტების გაერთიანების“ არქიტექტორი და პროექტების მენეჯერი, ასევე მონიტორინგის სამსახური.

14.2. ინსპექტირების განმახორციელებელ პირთა ფუნქციებია:

14.3. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

14.4. არქიტექტორი და პროექტების მენეჯერის ფუნქციაა ასევე სახელმწიფო შესყიდვების შესახებ ხელშეკრულების პირობების შესაბამისად „მიღება-ჩაბარების“ აქტის გაფორმება.

15. მხარეთა პასუხისმგებლობა

15.1. თითოეული მხარე ვალდებულია აუნაზღაუროს მეორე მხარეს წინამდებარე ხელშეკრულებით გათვალისწინებული ვალდებულებების შესრულებლობით ან არაჯეროვანი შესრულებით მიყენებული ზიანი.

16. გამოყენებული სამართალი

16.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

17. დავა

17.1. ხელშეკრულებიდან გამომდინარე სადაო საკითხები წყდება მხარეთა ურთიერთშეთანხმების გზით. შეთანხმების მიუღწევლობის შემთხვევაში დავას განიხილავს სასამართლო საქართველოს კანონმდებლობის შესაბამისად.

18. დასკვნითი დებულებები

18.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე, მაგრამ არაუგვიანეს 2019 წლის 31 იანვრისა.

18.2. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად თითოეული მხარისთვის.

19. მხარეთა ხელმოწერები და რეკვიზიტები

„შემსყიდველი“

„მიმწოდებელი“

შპს „საქართველოს აეროპორტების გაერთიანება“
მისამართი: საქართველო, თბილისის სამგორის რაიონში, აეროპორტის დასახლება.

ს.კ. 404 389 693

საბანკო რეკვიზიტები: სს „თიბისი ბანკი“

ბანკის კოდი: TBCBGE22

ა/ა: GE47TB0615536070100001



ივანე ლეკიშვილი
დირექტორის მოვალეობის შემსრულებელი

შპს „პრინტარეა“

მისამართი: საქართველო, თბილისი, დ. უზნაძის №4
ს.კ. 404 384 395

საბანკო რეკვიზიტები: სს „თიბისი ბანკი“

ბანკის კოდი: TBCBGE22

ა/ა: GE16TB7465036020100001



თინათინ სანაძე
დირექტორი


ხელწერილი ინტერესთა კონფლიქტის შესახებ
(2018 წლის 07 დეკემბრის №1/102-2018 ხელშეკრულება)

ვადასტურებთ, რომ შპს „საქართველოს აეროპორტების გაერთიანების“ საჭიროებისათვის საინფორმაციო სტელას საჭიროებისათვის სახელიანი ფირფიტების შესყიდვასთან დაკავშირებით შპს პრინტარეასთან გასაფორმებელ ხელშეკრულებაში ინტერესთა კონფლიქტში არ ვიმყოფებით.

დირექტორის მოვალეობის შემსრულებელი: ივანე ლეკიშვილი



შესყიდვების მენეჯერი: ემელიანა უზნაძე



არქიტექტორი და პროექტების მენეჯერი: მარიამ ყარყარაშვილი

